

禹州志卷二十一

列傳五

文苑傳

邯鄲淳一名竺字子叔潁川人博學有文才又善蒼雅蟲篆許氏字指初平時從三輔客荊州荊州內附曹操素聞其名召與相見甚敬異之時五官將丕博延英儒亦宿聞淳名因啟淳欲使在文學官屬中會臨菑侯植亦求淳操遣淳詣植植初得淳甚喜談論博辯淳甚服之暮歸對其所知數植天人于時世子未立操有意於植而淳屢稱植材由是丕頗不悅及黃初初以淳爲博士給事中淳作投壺賦千餘言奏之丕以爲工賜帛千

匹 魏志王粲傳注引

褚亮字希明杭州錢塘人

亮入州志語見後論

曾祖湮父玠皆有名

梁陳閻亮少警敏博見圖史一經目輒誌於心年十八詣陳僕

射徐陵陵與語異之後主召見使賦詩江總諸詞人在席皆服

其工累遷爲尚書殿中侍郎入陸爲東宮學士遷太常博士煬

帝議改宗廟之制亮請依古七廟而太祖高祖各一殿法周文

武二祧與始祖而三餘則分室而祭始祖二祧不從迭毀未及

行坐與楊元感善煬帝矜已疾才因是亦貶西海司戶時博士

潘徽貶威定主簿亮與俱至隴山徽死爲歛瘞人皆義之後爲

薛舉黃門侍郎舉滅秦王謂曰寡人受命而來喜於得賢公从

事無道君得無勞乎亮頓首曰舉不知天命抗王師令十萬衆
兵加其頸大王釋不誅豈獨亮蒙更生邪王悅賜乘馬帛二百
段卽授王府文學高祖獵親格虎亮懇愐致諫帝體納其言王
每征伐亮在軍中嘗預祕謀有裨輔之益貞觀中累遷散騎常
侍封陽翟侯老於家太宗征遼子遂良從詔亮曰疇日師旅卿
未嘗不在中今朕薄伐君已老俛仰歲月且三十載眷言及此
我如何今以遂良行想君不惜一子於朕耳善居加食亮頓
首謝及寢疾帝遣醫中使候問踵相逮卒年八十八贈太常卿
陪葬昭陵諡曰康初武德四年太宗爲天策上將軍寇亂稍平
乃鄉儒宮城西作文學館收聘賢才於是下教以太行臺司勳

郎中杜如晦記室考功郎中房元齡及于志寧軍諮祭酒蘇世
長天策府記室薛收文學褚亮姚思廉太學博士陸德明杜預
達主簿李元道天策倉曹參軍事李守素玉府記室參軍事虞
世南參軍事蔡允恭顏相時著作郎攝記室許敬宗薛元敬太
學助教蓋文達軍諮典簽蘇勗並以本官爲學士七年曠卒復
召東虞州錄事參軍劉孝孫補之凡分三番遞宿於閣下憲給
珍膳每暇日訪以政事討論墳籍權略前載無常禮之閒御閣
立本圖像使亮爲之贊題名字爵里號士人學士藏之書府以
章禮賢之重方是時在朝者皆天下所慕向謂之登瀛洲其後
史臣宋祁以亮遠雅與姚思廉並稱謂偕岑文本虞世南李百

樂令孤德棻諸人興汨于隋光明于唐云唐書本傳附錄

韓毅潁川人工草隸元宗時爲太子賓客

孫氏陽翟人見唐詩引證目

李廌字方叔其先自漢徙華廌六歲而孤能自奮立少長以學
問稱鄉里謁蘇軾於黃州贊文求知軾驚拊翼背曰子才萬人
敵也抗以高節莫之能禦矣廌再拜受教察案貧三世未葬一
父據枕流涕曰吾學爲忠孝而親未葬何以學爲將別軾客游
四方以藏其事軾解衣爲助又作詩以勸風說者於是不數年
盡累世之喪三十餘松歸窆華山下范鎮爲表墓以美之蓋閉
門讀書又數年再見軾軾閱其所著歎曰張張秦觀之流也鄉

舉試禮部軾典貢舉選之賦詩以自責呂太防歎國有司試藝
乃失此奇才耶軾與范祖禹謀薦諸朝未幾相繼去國不果軾
亡鴈哭之慟曰吾愧不能死知已至於事師之勤敢毀生墓爲
閒耶走許汝州相地下兆授其子作文祭之曰皇天鑒生墓
生忠義之心名山大川還萬古英靈之氣詞語奇壯讀者爲懷
中平絕意進取定居長社縣令李佐及里人買宅處之卒年五
十一鴈喜論古今治亂條暢曲折辨而中理元祐求言上忠諫
書忠厚論并獻兵鑒二萬言論西事朝廷擒羌酋鬼章將致法
爲深論利害以爲殿之無益願加寬大當時還其言宏簡錄

曹紆與兄緯有聲太學能詩文宣和三年始登第鄉禮進祥光

賦詔給事殿中書省思殿應制與李質各獻民岳國上善之著
箕穎集二十卷舊志

王道衡字子正至大中以明經撰進士第嘗作宣聖始終辨惑

記刻於清泉里夫子廟舊志官蹟傳今改刊

李叔尤洪武初由儒士授國子監博士纂修昭鑒錄書成擢翰林修撰又與宋濂等修洪武正韻等書後致仕濂與劉基等皆贈以言舊志

邊寧字定之少有文名永樂戊子舉鄉試任綿州郫州學正詔入文淵閣纂修永樂大典校正七館書文鄉人稱爲邊夫子續陳東光字叔晦號平崗好古善大字尤精小楷所至人多購集

甲午中鄉式明年成進士選庶吉士館課小以原政論讀蘇倫
書有感詩咸第一文明大噪於時鄉里後進稍涉驕蹇人輒
笑之曰若有陳平崗文耶乃傲物在館中既以才名爲時所嫌
又局自矜許多忤館師意遂左遷聞命卽跨一蹇刻期就道或
挽之徑不聽抵任所七日而起歷雲南按察使四川布政使歸
卒於家

舊志

劉玉威字蒼佩號樾菴通判湛子性沉靜口不臧否人才敏學
博善文辭及草聖工詩弱冠卽名噪中州北遊趙魏入都門諸
公卿多傾蓋然非其好也謝歸嘗與竇靜菴冉永光耿逸菴諸
先輩講蘇門之學作詩文畧不構思傾刻而就人有求者皆如

其願以去郡中有大典禮必諮之所著來嵩閣詩集文集著十
卷藏於家年七十卒

舊志

趙冬晟字友春號松園舒城知縣來鳴仲子幼穎異有神童之
目十歲能詩登偃蓮頂賦詩有偶句十二入學志趣落落每譏
絳灌無文隨陸無武因額其堂爲兼習行年五十貢於鄉與陳
蘭崖馬子陶劉蒼佩倡和往來爲忘形交詩益沈雄年七十九
授林縣教諭以老辭所著有松園詩草吳越游草怡山堂草四
書日講偶筆卒年八十五

舊志

董祚宏字玉崑號前月明經大參九貢孫高才博雅天分過人
工詩古文詞灑灑數千言立就善書畫愛州北崆峒名勝時乘

短轡登臨其上數月忘返因別號崆峒山道人所著有崆峒山集
醉吟集狂仙放言丹青引

舊志

陳鳴皋字鶴士號蘭崖別號鋤峽散人性高曠讀書過目成誦
未弱冠補弟子員旋拔成均初赴省闈搜檢欲解其衣拂然而
歸自此絕意仕進於城隅闢園林延同志者飲酒賦詩州守劉
口聘修州志考核精確所著有輞山讌語及五服指掌撮要圖
歌後述災小令若干卷

馬淑字子陶號壘山農部慤之孫州庠生也性穎異日記數千
言工詩詞河南通志採入藝文與弟融相友愛白首無間入省
闈已登薦額因謄錄訛錯被落遂不復走場屋日與二三高士

飲酒賦詩尋山間水而已所著有野吟集

康麒孫字博學允執從孫嗜古所著有癡癡子存稿今已散佚
工六書尤善行草宗法二王有所書烈婦鍾氏碑銘集右軍書
爲之工妙不下懷仁所集聖教序在白沙鎮採訪冊

義行傳

董英李禎李銘任諒梁圭陰煥明正統間有旨勸民出粟賑荒
英輩各納一千五百石有司上其事旌表其門舊志

馬貴景泰年以邊警輸粟有司奏聞給冠帶仍旌以勸舊志

馬瑋當成化時西陲告急下令民間輸粟瑋輸粟實邊有司上
其事授七品散官遇年饑糜粥活人甚多又二年弟瓚輸粟助

餉事注於朝嘉其義亦例授七品散官舊志

李禮剛直有斷鄉曲事無巨細兩言而決退無異辭成化十年

大饑出粟六百石賑濟有司禮爲鄉飲賓壽八十四舊志

馬榮成化二十年大饑出粟千石賑濟舊志

盧綱成化四年納粟五百石受勅旌表舊志

孫貴州西順鎮里人同鎮人張明貸勢家銀三十兩醉遺於道

比至家兄弟聚哭貴見之嘆曰此必傷人命矣歸言其事乃聞

已子增得之卽完付於明嘗行債登封夜寢於金店唐明之家

盜攻唐氏戒曰勿驚孫老舊志

李備撫二弟憫任皆成名經歲荒施粟賑饑按院旌之舊志

馬懋字肖古叅議斯臧子性豪俠萬歷三年施義田二十頃
張景良庠生有山左田園盛密貯金景良處忽國盛醉死於塗
景良卽出其銀盡爲棺槨費知州李永彪旌其門

舊志

董邦治生員能文章自設義學貧不能卒業者皆教之多所成
就

舊志

王昌字惠宇登封庠生禹人也少遭亂不輟學年二十從父兄
避難於密邑歲餘父兄亡乃冒險奉母嫂還禹順治初年亂甫
定人不知學昌立義塾教授生徒族人王之模家貧昌爲娶妻
授庠田爲王之義娶妻妻亡再爲娶里人王佑張武傳永福王
輔等孤貧無依皆爲娶妻且伙助焉康熙四十八年春饑散積

穀以活衆年九十三卒卒之夜有羣鶴飛聚庭前達曙而去里人異之競爲詩文以紀其事

舊志

冀倬字漢章生員兒時與父食棗擇其瘠小者食之善事繼母邊氏外家貧出已貲三百金爲置田頃餘析居時弟之子衆多以別墅田三頃讓之

舊志

楊世華庠生文英子康熙四十八年歲歉家積糴糧三百餘石悉散之戚友貸其銀至六百餘兩不能償輒焚其券里人義之

舊志

陳三哲世業農家初貧以賈術致數千金族兄三策爲官事以地求售却其產贈銀濟之於襄陽道見醫女者相持泣卽贈銀

令完娶脩嵩東山路及石梁仙墳堰口權家店沈家庄諸橋費
以千計許州大守姚口州守高口旌其門曰樂善不倦曰太邱
家範

舊志

陳從仕監生幼業儒析居時念其兄貿易獨勞以田二頃宅一
區讓之修理石固橋捐銀二百兩助工鄰人魏留郭連城親死
不能殮助以棺又與以錢麥每冬月施衣百件行之十餘年不
倦州守章口匾其廬曰古道在人

舊志

王道中字貫一紅暢鎮人康熙六十一年歲歉出粟百餘石賑
鄉里乾隆五年秋淫雨穀價昂貴減值糶米麥數百石乾隆六
年倡修藍水河石橋又修潁水石橋及普濟堂聚星書院捐助

獨多又置義塚施棺木晚年聚子姪孫曾輩教以孝弟節儉至今百口共食五世一堂公藝之風爲不遠矣前儒學孫曰知州高口俱表其廬壽七十四卒邾邑劉太史斯和誌其墓

舊志

胡大猷字濟遠監生常買鄰縣張姓徐姓女爲婢後聞張女已字人招其父予之不責償并徐女亦厚其粧奩嫁之人稱其厚

云舊志

倪鳴岡禹人武生幼失怙恃從兄宜振撫之成立鳴岡事之一如事父家不甚饒課徒爲業而篤於任卹從兄克振負風逋不能償鳴岡售地九十餘畝代爲清償從姪適袁姓夫婦俱亡遺一甥無所依鳴岡撫之訓課讀書表姪彭孝幼喪父母留養家

中八年並爲擇配表叔王國治死貧無以殮鳴聞助之棺祥符
人王三貧困賣子鳴聞勸令勿賣助金周之骨肉得全嘗見賢
齊安羣孩童屈甲匍匐道中詢之皆無家可歸鳴聞惻然卽收
養於家

中州彰善錄

李珣禹州學廩生善事繼母蕭氏外祖家有婚喪珣力任之以
慰母心母故哀毀骨立兄亡遺兩姪皆幼珣教養備至敬事孀
嫂以家務悉歸嫂氏經理迄今廿三年無間言又於州之紫金
里暖康觀創建義學廿間遵照白鹿洞條規訓迪生童李廷江
等五十餘人身任約正誠心開導愚民遠近義之中州彰善錄
魏繼賢禹人好善慕義乾隆五年冬出所儲雜糧製綿衣助給